

PROGRAMASHON DI AKTIVIDATNAN 1983.

DI

UNIDAT DI ALIMENTU I NUTRISHON.



Unidat di Alimentu i Nutrishon
Cederstraat 7, Janwé.
Tel. 615440.

HEFE DI UNIDAT.

Drs. G. A. Juliana.

SEKSHON ALIMENTU.

H. H. Lemmens.

SEKSHON NUTRISHON.

G. Schob-Weber.

E. Ossenkopp.

S. de Windt.

SEKSHON SANIDAT.

S. Ortega.

ADMINISTRASHON.

M. Carolina.

RELACIONES PUBLICAS.

S. de Windt.

PROGRAMANAN 1983.

E unidat di Alimentu i Nutrishon a kuminsa funshona dia 26 di Juli di 1982.

E Unidat di Alimentu i Nutrishon ta un sekshon di Servisio di Salú di Korsow.

E meta prinsipal ta pa fomentá un poblashon mas salú, produktivo i kontentu pa medio di un mihó nutrishon.

E unidat ta kontemplá aspektonan importante manera: Salú mental, Sanidat, budgetering, Nutrishon, Kultivo di berdura.

Aktwalmente e Unidat su programashon ta funshonando den shete programa. E programanan aki ta kubri tur e grupo di edatnan eksistente.

E unidat ta konta ku personanan kalifika ku lo tin e enkargo di ejekuta e programanan. A kontinuashon lo deskribi e programanan den un forma resumi.

Pa informashon adishonal e Unidat di Alimentu i Nutrishon lo ta na disposishon di henter poblashon.

MI JIU TA MI PRETU DI WOWO



Esaki ta e programa pa muchanan den edat preeskolar. E intenshon di e programa aki ta pa eleva i mantene un bon sistema di alimentashon den e muchanan di 0—5 anja.

Den e programashon aki lo kubri diferente aspekto manera:

1. Higiene personal di e muchanan.
2. Konsejonan di alimentashon adekwa pa pèeskolar.
3. Manejo adekwa pa creche i speelschool.

MAMA NAMI KUMINDA PA MI BAI MI SKOL.



Un programa speshalmente pa e muchanan den edat eskolar. E edat aki ta kontempla e muchanan di 6—12 anja.

Ta e intenshon pa e muchanan aki hanja un mihó alimentashon i alaves sinja kultiva un kurá di berdura.

E programashon aki lo ensera aspektonan manera:

1. Alimentashon den edat eskolar.
2. Preparashon di platonan fasil.
3. Higiene general.
4. Kwido di un kurá di berdura.

BIDA TA DUSHI.



E programa aki ta buta un speshal atenshon na teenagers, ku ta ensera e edat di 12—19 anja, lo hanja hopi atenshon pa motibu ku nan lo bira e futuro tata i mamanan.

Ta intenshon pa traha riba aspektonan manera:

1. Higiene personal i sexual.
2. Prevencion di embaraso.
3. Alimentashon.
4. Salú mental.
5. Balor di un deporte pa un bon fisiko.
6. Efektonan di droga, sigaria, alkohol.

UN KURPA SALU TA

DUNA FRUTA SALU.



Esaki ta e programa pa e hende muhé na estado. E meta ku e programa aki ta persegí ta di duna mas informashon riba embaraso.

E programa aki lo enserá puntonan manera:

1. Kon mantene un bon fisiko pa fasilita parto.
2. Higiene personal di e mama.
3. Alimentashon balansá.
4. Kerenshanan ekibuká riba alimentashon.
5. Problemanan sosial.

MI PROFESHON: EKONOMISTA DI KAS.



E finalitat di e programa aki ta pa yuda e ama di kas bira un experto chiki den giamentu di un kas.

Tambe lo sinja e amanan di kas kon kultiva nan propio berdura.

E aktividatnan ku lo tuma loga relashona ku e programa aki ta:

1. Lesnan di presupuesto familiar.
2. Higiene personal i den kushina.
3. Kultivo di berdura propio.
4. Alimentashon i kushinamentu pa e famia.

NOS TAMBE TEY.



E programa aki ta pa nos hendenan grandi. E grupo aki ta personanan di edat avansa, pues di 60 anja pa ariba. E meta di e programa aki ta pa inkorpora e personanan aki den e tres komponentenan ku ta: informashon, formashon i rekreashon.

Esaki lo wordu realisa dor di e sigiente puntonan:

1. Nutrishon.
2. Higiene personal.
3. Salú mental.
4. Promoshon di un kurá di berdura.

KULTIVO DI BERDURA I KRIO DI BESTIA.



E programa aki ta ensera e promoshon di e berdura kultivá den bo mes kurá.

E finalidat di e programa aki ta pa promove e uso di berdura di un manera mas barata i krio di bestia pa konsumo propio. Pa e programa aki tin un exito, e Unidat di Alimentu i Nutrishon lo tuma e sigiente pasonan:

1. Analisis di e tera.
2. Entrega di planchinan.
3. Entrega di konenchanan, galinja, i kabritu pa konsumo propio.
4. Gia tekniko.



